

白  
華  
前  
稿

白華前稿卷第五十八

南漚 吳省欽 冲之

古今體詩荆北集三

空舸峽望插竈

竈脣謂之陘其腮謂之突突下謂之甕甕也坐兀兀鍊  
丹封九泥煮茶焙寸柑烟過黑潭潭生紅勃勃或令  
夷使平或令修罔缺云何以插稱流傳太慌惚峽山入  
重雲萬仞狀凹凸猿鳥力不到寧論采樵卒我行下空  
舸三老語咄咄牛肝與馬肺兩兩挂巖窟其旁一竈觚  
稽古自堯日懷襄草昧初有舟茲出沒倚灘爨薪蒸舉

一  
橋熟糝粒公然效孫升偶爾肖狐搢飯罷壑竟藏遺蹤  
尚昭揭請觀辰谿邊窮厓掩門櫬亦越武夷峯懸棺閔  
高樾謂出水未平避水倡巢鵲眠江雖建瓴豈遽汨層  
岑豈其一葉輕而敢犯溟渤撒手勢旣難到眼驚已猝  
造物巧設施怪偉未消歇廢乘夏漲高微睇察芒忽忽  
念產蛙鄉木處懼顛越

黃陵廟

連鼇走峽江穹脊力排泉昂然頭一伸乍出龍伯釣爾  
牛朝脫糾厓壁恣觸冒萬古不服箱隱約見神勞神人  
衣黑衣短型手親導效命向鉤鈐坐受推牲報迹累蒼

梧巡地襲黃陵號陰森神鬼間直禁鷓鴣到傳聞羽扇  
人作碑師訓誥彼其奪溜來望影慘相吊三暮復三朝  
牽率發狂譟欲憑愚公移或乞真宰盜牛癡吾亦癡何  
物無靈與金蓮驗榮落白狗伴騰跳夢闌烟雨疎疑聽  
叱聲峭

蝦蟆培啜第四泉次戴友衡韻

寒泉蟠老蟆張吻忘枯渴飛涎千百行下膏餓蛟窟舟  
人遙指點謂自月宮拔陰精涵太初石罅溜汨汨泓然  
受一窪蒸氣藹房闔忽逢桑苧翁哆口掌雙潑花甌親  
酌嘗第四名未沫調宜安竹符黔欲驗茶突彼哉一二

三何似此甘滑介處官私間爭者色先勅我聞水泉性  
輕重判茫忽自蒙醜蠢稱疑伴活東活幸無餘垢藏忍  
遣靈蹤沒良背既依稀觀頤亦彷彿承流挈瓶益吾力  
庶云竭食饗酒則醕味水特超越童奴笑吾癡有水皆  
涵淳所願化爲金躍如出山骨泠泠暮魄沈浩浩墓更  
發毋令俗語譌下馬混陵闕

蝦蟆陵本  
下馬之誤

附  
原作

戴引光

我本江南人漢渚思療渴悔從黃州來未飲鳳栖窟

茶經第三泉在  
一昨經清江水味亦清拔茲泉出峽

漱水鳳栖山下  
中第四名未汨絕嶂摩九天下有洞如闕怪石出洞

蹲流泉沿石潑其背薛簇斑其脣珠噴沫其名曰蝦  
蟆勢岡江波突機舟登汲勞石鉋戰苔滑滿罌復滿  
瓶溫氣尚勃勃吾師擅品題淄澠辨無忽煎點手自  
試泉新松火活濛濛洒松風茶色淡欲沒中冷嘗未  
真惠山差髣髴飲和良已深懷清意不竭況復酌茲  
泉神氣益超越因思新安江到處清流渟豈僅沁塵  
鷺兼可瑩心骨安得邀使槎衣錦故鄉發雨前品松  
蘿一補羽經闕

過三游洞不及入示戴友衡周懷芳

三游吾未游得名肇長慶二白與一元下上奉朝命攜

袂登下牢傾厓互窺訥廣芑屋三間明掩匿一鏡唱酬  
感聚散嗣響孰堪更老泉挈兩郎亦此機烏榜天寒急  
舍去石乳凍蒼勁所疑巖洞間冬令借春令重罪騰地  
氣如轉攝提柄蠟屐思一闕苔滑腳丸病旣畏泥沙需  
復厭蛇蚓橫光明震且天何乃恃長藥縱然覓舊題奚  
啻人危穽詩人例好事往往溷娼覲前三與後三吾等  
懼不競斯洞盜虛聲特爲游者儆

當陽道中

跋馬西風峭千山栗葉黃峽雲連郡郢楚望附沮漳地  
僻官差暇年豐俗倍良憑高雙酌酒慷慨爲關張

玉泉寺飯

落蹬亂山平山泉瀲灩迎一區懸佛力萬騎戢神兵鼎  
鑊尊前代杯盤壯去程願將仙掌片分付謫仙評

玉泉寺隋鑊

大業十一年乙亥十一月十八日當陽縣治李慧造

阿麼作事居何等返照頭顱鏡奩炯認取蕪城是帝家  
淪落兩京舊鐘鼎當陽佛寺罪玉泉顓師說法開福田  
十方寸女布施至積鐵層聳浮圖巔紀元大業乙加亥  
誰范釜形靈神采名目如追蓮社游姓源猶認李花在  
哆脣弁埒其腹餽麥城麥熟驪紛磨佛慈歡喜衆僧讚  
天子自有銷金鍋蓬萊方丈苑前出翦綵裝花紅瑟瑟



爲通西域罄膏脂更剗東夷運總經黎陽洛口成空倉  
雁門駐輦窺邊霜謁裘公子應募出始畢遠避旌旗光  
六州一鑄嗟兒戲爾後編年僅存二劍漸矛炊兵自佳  
珠衣玉食民先墮當庭斑鋪苔髮長想見舉國人若狂  
試發苦吟和郊島鍾譚有詩似從甘露感蕭梁京口甘露寺有蕭梁二鐘  
珍珠泉在富陽顯聖寺聞人聲及撫掌聲則滴

大茅有名泉撫掌輒騰沸犀泉在富川聞呼水增至物  
理類如斯職載詫神異我心參信疑且訪玉泉寺寺旁  
青豆房架木跨潛窓天留一掬慳涉冬近消澌間浮三  
數漚魚沫狀髮髯寺僧忽暑然拍手助作氣騶卒歌和

之溢涌高尺計有如百涓湯再熱再揚厲又如鮫客宮  
玉盤碎投地小珠斛可量大珠穿可佩搖手俾噤聲珠  
光去遙裔水陰性本陽感應極殊致試觀五行家曰言  
以火配聲動卽爲火相激復相比所由鍊丹處其泉亦  
如是壽州珍珠泉淮南王鍊丹處聞人聲則涌亦名嗽泉安遇隨靜器娛情合仁  
智尚有跑突姿喧寂境無二塊無珠玉音隨風落吐歎

### 長坂

動地聞號虎追軍憚姓名回天三國定衛主一身輕野  
坂崇遺廟卹橋表廢營傷心麥城走竟困白衣兵

### 當陽謁關陵

浩氣留三極貞軀擁一邱餘威震華夏素志在春秋復  
漢心無貳依憑恩已酬從征稽拉部結轡爲荆州昏寇  
幾先擒擒降略倍優未紓糜傅憾旋中呂潘謀授命嗟  
將子招魂儼視侯深淵輸玉印異域拜珠旒天數三分  
定人師百世留 聖朝親改謚開士假通幽引臂真  
忘痛掀髯早絕儔哀榮山縣路惟有孔林侔

登安陸郡蘭臺

南紀雄風霸業開如何郊郭有高臺武關西去傳騷怨  
巫峽東來起賦才文藻可師悲未解廟堂不競聽難回  
分明伍舉章華感嘉得游人說快哉

韓豹南園中天竹

關天竹勝淇園竹楚望樓邊見絕殊  
下下高高排虎杖斜斜正正壓犀株  
歐公梨雪還名絳坡老竿霄或點朱  
好與韓家添故事不教桐樹感羈孤

過典獻陵

丹邱淵源在金牀陟降憑間平名較遜英漢典難徵  
遶電元妃夢當天介弟稱蚤傳鴻家閼旋遇豹房崩玉節  
歲裝至鑾輿帖妥乘義綠皇叔舛氣使待臣矜慷慨闔  
書叩淋漓杖血騰立宗揚謚號配祖奉嘗烝竝世新添  
生羣工死結朋勢薰張桂驟祀逆閹僭仍廟見誣尤甚

朝常素不勝明倫訓儼純德名舊封增粟帛卹農貴  
樵蘇官寺徵幾人招鶴馭無路照魚燈賊火經摧敗靈  
圖誌勅興昌平松枯路休擬十三陵

兩峯廉使以八月杪種菊黃鵠山徑賦詩補圖  
隨有施南之役以予亦自施歸索和元韻

癸辛識種菊細雨黃梅時煮灰插土養腳葉等到花放  
手朕心痒誰能知兩峯愛花最愛菊辨列菊品如班資  
連坡七八曲壓檐千百枝買花而種妙頃刻亂頭粗服  
裝皆宜黃黃白白間朱紫一氣傲視楓黃卑種成無幾  
日遠涉荆宜施置身縹緲望黃鵠山亭不見況乃亭下

之疎籬我行不見菊猶讀畫與詩知公種菊不及賞母  
乃造物先忌之明年種菊須趁早采掇好過重陽期葛  
巾漉酒更著我朝川畫手橐筆還相隨

同兩峯廉使偉績觀察餘庵太守蓬心司馬集  
鐵幢方伯非水舟分得十一言體不字韻

紫薇堂西平圃五六七十弓宜樹宜竹宜花宜菜斷塵  
拂就中結構六柱三板蠡殼牕是誰牽船上岸象鷗浮  
鳬沒主人呼吏抱牘勾當無暇來簪之間渡無人舟楫  
用終屈歲十一月旣望折柬聯步登六客有一不至  
簪 觀  
察 飮坐塵交拂圓蓬似笠四面蕩漾窺蔚藍復檻如牀

兩頭安頓避呵噉估書讀畫載得顛米家舊藏縱使雙  
手捫捫評泊語皆吃食單到座肴飲無數爭芳鮮俾下  
越酒一斗一石較贏誦而我開戒轟飲醉倒臥甕間不  
聞餽糟啜醢楚漁曰何不人情在水思陸在陸則思水  
孰若泛焉寓意不留意於物放艇半竿淺渚蘆花待我  
栖場舫千里長風帆葉向公乞舵師權郎挽夫職志雖  
各殊要使舳舻舳舻一一濟胥汭賈人遇水資車遇旱  
必資舟躡實腳根利往行見佐密勿忽懷詰兄山舟前輩高  
尚署號非偶然縱棹西子湖邊義趣極沈鬱打鐘掃塔  
參禪豎指隨所緣行止何心出語游戲且呈佛

題江城話別圖送兩峯廉使赴闕

潭水房山兩地偏

湖南北泉署皆有半潭秋水一房山堂

忽聞衣繡去朝

天人隨黃鶴風催笛僕唱驪駒雪打鞦香寢吟詩能幾  
輩機庭練政本多年阮何丰繁韋平系想見雲霄盡接  
駢

鳳城諧讌限重闔夏口雙旌蹟共親宣室待承前席寵

鬱林喜識外臺貧停杯喚渡纏綿話侍

輦行圍談蕩

身他日深談翦官燭開圖留伴一江春

時爲題春江畫裏身行看子

次韻冲泉方伯新製半榻

今之板榻古曰牀小憩神輪與尻馬不施臥褥施坐茵



曠宅弗居策斯下今年火繼漫平絳河赤腳層冰夢魂  
惹嵌石爲闌骨漫支穿藤作屨影堪寫其長六尺廣綢  
之焉用求全得全者琉璃黃潤鋪稱身翦幅吳淞水清  
雅平頭一曲乍舒肱垂外二分還露踝更從全局偷片  
閒左置圖書右琴竽想像良工妙取材如製箕裘稟弓  
冶盤基縱可對朋游斗帳無由貯嬰姪所操至約所茈  
多萬闔和風愛涵瀝擊壤懸知作息恬炊梁豈止榮華  
捨榻旁軒鼻春酣酣絕勝隱心託波若不逢徐穉卽周  
璆直使陳蕃汗顏覩頃余解鞵來共登提塵深慙啞羊  
啞移隨俗駕昇同籃安傍涼枝正如房無餘地處留有

餘那遣旁人怨飄瓦詩成一笑投隱囊三人半耳筆難  
把時幾足踈  
痛未蠲

題兩峯鳩江春棹圖

東風澹無際吹綠暗江邨邨樹高藏屋江流緩到門花  
花歸帽影葉葉去帆痕何似咸陽陌紅塵撲酒尊  
暖翠溼還晴前宵一雨鳴幾人忙叱犢獨客嬾聞鶯曲  
水春三日高樓月四更好陪沙岸鳥閑棹釣船橫  
鳩茲官閑暇常作苦吟人載酒洞庭水相依鄂渚春浮  
家足牀竈仍世必絲綸若戀清暉滿頻看畫裏身

題秦補堂采芝歸林屋照

青城山色錦江水遇子采芝腸芒屨鸚鵡洲草黃鶴雲  
遇子采芝拖練袈雙童後隨斑鹿導麝肩麗脊光烟溫  
琪花瑤草甌如棄三秀滿盤足生計料理琴壺歸具區  
靈威一老還分飼金庭福地吾未遊東西翠掃蛾眉秋  
此山例無雉蛇虎祇有風月清白鐵笛橫滄洲幾年拋  
去芟荷服却把長鑱探遐谷託命能教樵牧驚壯遊定  
遣魚龍伏北風其涼雨雪霏買舟欲下三山磯忽披丹  
碧見林屋吾土信美人間稀芝兮芝兮采誰其且學仙  
家手親種洞庭從此是商顏飽嗽九莖伴菰葑

十二月十七日雪已四見

一交小雪歌三白喜劇荆湖百歲翁豈意嘉平遲既望  
又凝太古下長空印牀淨退傳呼少飯飽豐緩笑語同  
行賑況逢工築始不愁夢澤有飛鴻

十八日復雪

臘序僅存三四日聯翩屑玉戲張翁五回起數逢巾合  
六出含精播遠空老圃凝眸占麥屢冷官屈指試茶同  
旋消旋降留吟賞炙硯長看擁帝鴻

袖東司馬藝蘭圖

有石三四棱有竹七八竿有一松偃蓋有雙鶴戢翰有  
人踞苔磴摩腹罷兩餐有卷懶獨開有琴懶獨彈斂袖

切胡

**1973**

皇情事能隨喜僧

同苦政到持平俗已驚前席竝傳宣室對

兩峯廉使先奉召結

堂應署蓋公名荆潭舊侶爭回首倡和何由耳暫明

楚天冬暖綠侵櫺花樹平章坐杳冥半榻琴壺閒託興  
一廚書畫儼通靈深談愛適離人館遠道愁看驛吏亭  
卻指白雲黃鶴影相思無數遶烟汀

次友衡韻寄題戴汝德吳園筍閣

一塘楊柳半塘烟兩面亭臺四面懸柑酒逢人三月底  
松風招我六朝前蒼茫市隱書還讀縹緲樓居界必仙  
祇恐夜涼捎鶴影不教吳質趁高眠

冲泉方伯索襄陽菜菹

吳郎枵然腹空洞雅貯黃齋百十甕鄂州學舍低打頭  
菜把頻煩襄州送心同蕉卷刺未開根異莢圓棄難供  
晚菰早韭俱下風要遣寒漿冰去牙縫擊鮮醢酒禱伯  
嗜詫我荒廚太豪縱公然點雪嘗吳鹽碧綠青黃一痕  
凍聞公隙圃堪薙除爲學拔葵缺儲用鹹酸殊俗從所  
好螺蛤偶思憶則中以御冬蓄佐春盤料得朝來食指  
動本無骨相耐肥甘豈必身親事栽種多公得召許  
還朝取安肅產辦伯仲三九由他笑庾貧蓄菹何物陪  
荆貢書傳菁以爲菹茅以縮酒惠而報我絕妙辭曹娥碑字堪循諷  
留公不獲還傲公行賜大堤粳新燕時方伯將赴襄陽

行

舟行漢江

冥冥寒食雨歷歷漢江船借問東流水還鄉路幾千

鱖

縮項一千八名高六觔船如何襄水曲翻藉孟生傳人  
泛枯槎穩童支翠釜偏不須春竹葉一飯亦欣然

襄陽見瓶中木香香細花繁異他處

木香卽在郢州西別種襄州落翦齊遶木陰陰鵬乍轉

飄香細細蝶交迷江鄉暑近支棚坐

吳下謂涼棚曰木香棚海嶠

雲深入裏攬

木香惟此產入藥品

好待等閒桃李過坊頭尋唱白



銅鞮

唐張文貞祠

祠卽公園址  
今爲泰安寺

鸚鵡銜仙李拚飛建牝朝盡

卽忍切

留六郎媚倏報五龍

跳定策歸沈厚提軍起捷趨積尸橫紫闥負展拱丹霄

產祿滋餘孽嬪嬙信久要眞王雖命拜故相忽聲銷薄

譴新州佐長流遠嶺標背疽齋憤懣肉杖免飛漂終見

還官爵隨聞配廟祧縣封遺子姓裴島認漁樵指點憑

初地馨香薦永朝石幢浮翠瓦鐘梵替鸞簫襄水魂應

戀曹王

皋

宴昔邀縱經他主換猶記史臣標器大功名

晚冤深涕淚遙峴山行樂近想像鶴雙招

穀雨日繆秋坪明府送櫻桃戲報以詩

的皪朱櫻詫滿籠，畫闌纔扇鼠姑風。先嘗特出三桃上，

相送難邀隻筍同。

襲筍甚劣，小如指。

別殿分霑

親試重

戊子

御試紫禁朱櫻出上，闌詩卽拜是賜。

靈閣細寫舊遊空。

雅州黃白櫻桃大如龍眼，半

生風味頻回首，莫笑襄陽地主窮。

試院後花樹十六株，癸巳春邊前輩

繼祖

歲校

時課八庠，文武榜首所種，有詩碑之堂左堂。

後東西齋尚有隙地，爰仿爲之，得三律。

大隄風色太猖狂，穩坐春深選衆芳。綠葉有陰遮後檻，墨花何暈照前堂。道山雖去名猶重，襄水曾經緒獨長。

子戊子使監想像一時揮翰手封條起發趁天漿  
往返宿此

徐南魚北近中原八族分明占八元材到上林方是樹  
澤分禁苑各爲園科如童子沾榮蚤柳比先生得氣繁  
笑倩少年裘馬暇百錢擔買向邨樊

兩齋移種影紛斜也近酸寒也近奢漢代將軍應坐樹

唐賢及第必占花課同賓御攀何日謂王話與兒孫蔭

幾家努力他時傳者舊莫拋秋實銜春華

宜城彭教諭楊送蕙蘭

蘭蕙幾同穀不分半牕遲晝忽逢君名垂大雅騷還讀  
養近中和德易薰莫遣春風歸晏歲尚憐襄水隔湘雲

萬重花品吾何有慙媿瓊瑤報廣文

庚子臘吉安王文學

堂開

自長沙攜姚侍讀顯

書至鄂頭偕至襄陽病嗽辭歸以詩相送竝

懷姚滿州

觴聲來破洞庭烟月戶風亭忽二年  
膳視不嫌窮塞主  
牘竿蚤信故人賢文章譽起薪傳重  
節孝祥凝木理連  
俾媿一雙金鏤管封題喜動寢門邊  
去夏爲母夫人傳

荒廚雖道食無魚縮項搓頭釣未虛  
半榻此時懸仲舉  
一杯何露潤相如申醫過物休供藥  
遠道逢人幸附書  
倘向秋風升鶴雀郡樓應似武功居

研齋觀察招入所新羊杜祠觀八角幢用范文

正羊公祠元韻

峴山裁一卷名壓大別大不逢折臂公孰表漢江外江  
春蚤鬱蒸一雨勝遊最饌藥欽前修置酒憶良會登臨  
極宇宙卽物增慷慨歸路渺羊流同人戀湛輩爲德不  
爲暴往業信超邁遂使碑廟間淚痕灑茫昧祚經司馬  
移象作巨鰲戴購贖動千金蒼茫閱幾代神隨芭舞傳  
跡洗苦紋退功名足耐食前史激風籟同傳復同祠陵  
谷慰遐嘅我生失探環癖在盲傳內偶乘習池醉欲仿  
孟亭繪石幢手摩挲題字故無賴水長上潛鱗浮山空

飛鳥快何似臥龍賢路衢滿遺愛

王原叔名洙以千金贖羊祠故基宋八角

石幢其一久失其一  
研齋自漢濱出之

### 研齋招遊所葺鹿門書院

滄浪亭子映林泉不道荆南遠又偏恰趁管弦觴詠後

特瞻車服廟堂前

阮後奉觀祭墓  
吳道子聖像

橫經負耒耕蕪學喝

道談文俗是仙傳說臥龍香火地幾時讓與鹿門賢

山櫻野筍俊堆盤舊院新池蹟漸完三面人家圍柳岸

兩行弟子候花壇好遊始信襄陽樂叱馭猶驚蜀道難

時話蜀  
中舊游

羨煞武陵漁主講指揮屈宋作衙官

舒教授才  
博監院而

陳山長長鈞  
歸武陵未至

關廟三層柏

在穀城  
太平店

漢壽祠前柏森森氣象增雪霜封一圀孔翠照三層結  
縛雖人力煮蒿有物憑向南枝影重相對爾猶能

穀城

作鎮嚴城擁猶傳穀伯邦入朝人笑賤伏莽賊

張獻忠稱

降蠶麥逢時熟魚蔬問俗靡縱無黃石隱和嶽湧幢幢

石花街題巡檢署壁

昨經竹篠鋪今飯石花街山迴笙呼鶴堂低篆引螭官  
星鄰簿尉農月罷徭差漢水如羅帶歌漁興欲偕

均州望武當山

古來五嶽衡恒嵩華無定名太嶽非嶽影落均州城太  
和塊軋絡雍豫按圖拍手今日歸維荆岩岩卅六巖耽  
耽廿四洞二十七峯誰最尊一柱擎天紫霄翔地肺葉  
葉堆玲瓏衆皴亂插青蓮蓬橫看側看獻千態半空綃  
電照徹下界千里萬里烟濛濛枯檜楓杉齊根簇寶樹  
琪枝燦盈目藥畱不死簪神芝草爲救窮辟嘉穀食烝  
人隨黃鵠翔通幽鬼效斑龍伏墨旗夜悄聯七星元龜  
曳尾丹蛇升如來金粟卽下避何論慧門願門廝打紛  
厖轟法駕亭童擁轡衛劍臘沖天髮委地正果誰能種  
棚梅隱心豈待招叢桂桂樹產招搖分明斗麗杓離文



迎赤牒坎德奠元枵何人好事傳靈祕淨樂名邦遜儲  
位脫屣雖緣去國輕建壇敢道求仙易仙家鍊形先鍊  
精行年六七功告成天書一降議封禪曷不一詣三潭  
五井鏘鑿聲我聞漢南陽屬以武當縣其時二十八宿  
躔次分蒼龍有闕白虎觀元武殿後載禮經朝謁俄看  
八紘徧武當謂惟真武當道書地志交披猖宋明左藏  
萬千萬膏血四照懸壁璫草坪之庵埽塵榻鐸語丁東  
夢蕭颯青精作飯從裏攜一逕披雲叩閭闔

天馬巖渡漢抵鄖陽讀行署明人碑示諸子

春山三百里山斷見漁磯好上金魚渡言從白鷺飛潛

花人隱隱城柳客依依莫遣征塵灑臨風理衿衣

漢水如羅碧悠悠發孺歌麋封看不泯禹力想無多燕

寢遙森戟烏臺夙枕戈一鄉傳孝婦

陳氏

民俗美如何

我行哀濛雨原是武當雲雨歇憺無與雲歸空復云辭  
苔蒙往噴鳩燕助微醺賓館論才子紛吾張一軍

附  
和作

崇明

徐興文 六華

秦嶺知何在迢迢清沔來停杯三月邁挂席萬山開  
柏老盤虛院碑蒼賸劫灰聲名動寥廓嗟爾鄴中才

鄖陽懷古其末題試院保釐堂

一抹孤城

萬壘山河流西至曲灣灣辨名誤襲鄖公號

食采紛傳尹氏頒路闢中原還據險人辭故土易藏奸  
無情最是浮雲影斷送懷王入武關

輩洛荆巫還建瓴梁州禹域此占星審音漸識秦聲大  
秋望終邀楚澤靈帝子流移頻紀史蠻夷戰伐特垂經  
莫言文獻無徵信遙指商顏一角青

上堵高吟似疾呻三分劫局爲何人軍州分併名多舛  
蜀魏興衰跡尚真若論丹心持絳節便看赤手縛紅巾  
原公遷去吳公代配食何慚薦藻蘋

畫轅清角擁牙旗鄭重尚書

湛甘泉

記保釐豈有千斤煩

溫婦似教七子

王元美汪伯玉徐叔明皆撫郢陽

見敷施中丞憂國懷

杯細太史觀民駐轡遲會是百年前戰地勉循綠野下  
細帷

鄖陽試院八柏歌

鄖陽郡自勝朝置七縣編裁不毛地剔除伏莽植嘉禾  
此柏栽從柏臺使臺空院改吾按行桃僵李苦春無聲  
老鴉爭窠餓鴟叫柏所招致紛摩撈我本惡鴟非惡柏  
石幹捎雲二千尺我雖譽樹實譽人谿蘋祠廟三百春  
草萊終見闢成宇棟梁幸免摧爲薪論材數溢七松古  
標望堂開八桂新當時手種豈徒八陣勢盤挐影交戛  
卽今後室蔭連株頗惜前庭存獨活東偏五者多出奇

左紐百折根傾欹劈開雷火慘倒挂蟹爪下攫龍脊垂  
蒼雲直墮凍狐鼠白日不動升蛟螭解帶量圍較牛大  
荆貢如君能幾個我欲封移大別巔一川綠埽葡萄破  
發郎陽諸生道旁置酒至薄醉

笳鼓連連殢斷雲路旁杯酒釘香芹窺人紅袖牕還掩  
攔馬青衿隊各分老我重逢方有幸後生一過漸無聞  
酈原量退愁洪飲拚上輕航載宿醺

白華前稿卷第五十玖

南漚 吳省欽 沖之

古今體詩荆北集四

洵口曉發

逢背滴空翠夜來山雨過山邨秀花竹喧耳萬灘多禹  
蹟亦東下我行奈久何無因坐橫笛一和濯纓歌

四月望自鄖旋襄見所課花樹各有生意和詩

甚夥再疊韻

莫認狂花滿屋狂牙牌一一表羣芳縱教科斂排官舍  
祇算栽培遶學堂翠鳥穿花枝競秀青猿潑水幹爭長

昨來慳送黃梅雨愁絕乾封汗滴漿

銅鞮坊似樂遊原鎖院沈沈闕混元農圃不如惟種樹  
詩書雖好亦窺園名材小草三生判嫩紫嫣紅一例  
繁從此春風披上苑十分聲價壓襄樊

碧蘚蒼苔石徑斜兼旬重到景偏奢向榮敢論差池臭  
著意難開頃刻花此後勿令人寓室者回真似客投家  
漢南卻笑桓司馬獨對婆婆感物華

襄陽柿餅桃以小滿熟狀扁圓可二指

有扁蟠形螯環環半寸高元精流五木中候先三桃洞

古微含萼

其花特小

盤深穩脫毛餅金能換幾解渴慰吾曹

隆中草廬

剴切征誅計雍容禮樂才

用文中子語

莘耕娛歲月畱遇役

風雷國藉旄邱託人逢藻鑒開荒廬遙指點夙駕屢徘徊

徂梁甫吟聲徹琅邪族望推一心紆割據諸將化疑猜

果借東風便長扶季漢殄受遺勞懞懞致討量恢恢百

畝憂何有千年馭不廻軍情埋玉帳衢祭妥金罍此地

傳龍隱而今勝鳳衰

倉回切

綸巾王佐像纓幣帝臣媒避

地名翻大匡時學本該蕭曹悲澹泊沮溺鄙淪洄並起

瞻祠敬如衙過墓哀樓桑邨路復相望鬱崔嵬

襄陽舒教授

才博

爲子占易次郎

正增

書予種



花詩上石賦贈

如升學舍午垂簾問卦休為奪媚嫌饒養丹砂凝箭鏃

架排綠帙照牙籤栽花詩就誰先和思藻堂在試院深我

截淹可似譽兒舒教授兀聽更鼓夜厭厭東坡夜過舒堯文詩郎君

欲出先自贊堯文名煥徐州教授郎君謂其子彥舉

寄題潛江縣解紅雨亭亭為高安朱文端令潛時作

我聞河陽縣滿眼桃李花桃花紅奪李花白點點烘出

赤城萬丈丹綺霞又聞武陵源桃花塞谿路雞犬桑麻

歸洞天外人從此迷紅霧高安鉅公松栝材為製美錦

辭蓬萊刀耕火耨告再熟別院笑把桃花栽桃花放時

葉未放赤手珊瑚割晴浪火樹偏從白日圍流脂祇覺  
青天漲是花非花雨非雨十雨五風作花主召舍猶懷  
勿翦殷傅巖真見爲霖溥白湫鎮紅雨亭我今載歌君  
載聽桃僵君載補亭存我載經歐公絳雪寇公柏好結  
蒼老含娉婷桃花紙上墨痕醉醺面更乞漿雙瓶

鄧州道中得研齋觀察喜雨詩次韻

龍宮帖耳應精虔早趁分秧雨勢縣三日爲霖鳴決決  
一亭志喜告連連河橋岸斷真還似宜切潭冰簾塵空但  
暮烟好祝依旬風物美東舉人報太平年

寄題榕巢方伯錦城使署亦園十詠

齋居憺容與卽物成所欣一物具一性花鳥通思聞寓意不畱意太虛流碧雲

右怡情育物之堂

活汞瀉圓池止止若古井藻荇了無多水禽蘸清影孤館月明時湛然發深省

右不波館

筍時吾亦饒畱待萬竿起坐歛結風亭何日可無此晴日滃秋烟世塵澹如洗

右此亭

竹君忘熱因露節特堅瘳涼暑來泥上之有暑卻不受

蘼登細斑斑徘徊引翠袖

右引涼逕

水蓼勝陸蓼滋媚窺文漣排根託橋下吐穗垂橋邊過  
橋且繫馬拗作珊瑚鞭

右蓼紅橋

大葉卷細心蜀天綠於染小亭擲筆餘翦幅替瑤簟忽  
看蓮瓣舒掩映紅一點

右小綠天亭

廊腰偃斷虹象曲一十二引路花使迷礙路樹使避時  
聞投屣聲嘉客勿遲棄

右依花避樹廊

隔塢花深深連屋書浩浩攤書復坐花偷暇足送老請  
看落葉飛隨落手隨掃

右校書花塢

好山本無根朵朵兀當面問誰手種成芙蓉發青精多  
恐白雲封登臺日千徧

右種山臺

開軒極幽敞蒼蒼來翠陰柏葉捎我笠柏子墜我襟引  
手欲相接眉宇生凜森

右接翠軒

癸酉江州蓄一簞今三十年矣輿杠行黔粵楚

蜀間不啻數萬里各係以詩

一重黃玉淨炎埃誰向靳春辦笛材收卷亦隨團扇棄  
鋪張每趁畫簾開管寧木榻年差亞齊相狐裘算竝推  
較壽唐宮今十倍人間甲子待輪迴

唐志守宮令  
席壽三年

柔木雙劉丈二長頰肩人駕使輶忙輕疑陶令升籃舁  
穩勝齊人坐筍將相對相當平眠水在前在後爛生光  
他年免作勞薪爨十萬縱橫路飽嘗

泥金畫竹扇寄補山方伯濟南

以蒼貧姿作金銀氣可無此何能免俗未外直內虛神

清骨貴我懷穆如一洗炎沸

寄題枝江福亭

枝江西門福山有福星廟廟前一峯秦犬令  
武域亭其上按福祿壽俗謂之三星司祿尚  
矣秦有壽星祠宋太平興國初始祀五福太  
乙其服通天冠絳紗袍蓋以爲天之尊神太  
乙十神之首凡五宮四十五年而一易五福  
所在無兵疫人民豐樂此福星之所自名也  
旣名之曰福亭作詩以報

福山下瞰枚迴洲名雖爲山實則邱山禽格礫渚樵唱

與衆偕樂誰始謀短亭如笠覆山頂秀色盡把沱江收  
風濤百丈倒三峽雲物萬狀開重樓烟邨乍寒隱橘柚  
霧艇不定翻鳬鷗人言城市困塵鞅照眼忽覺方壺侔  
福星有靈解臆對嚮用次九箕所疇魚鰕小縣雀鼠逝  
粉榆古社桑麻稠太平氣象播歌咏合起臺榭供盤遊  
高明之居不易得百磴詰屈攀巖幽鳴琴挈榼趁公暇  
好學爲福仕乃優課僧種花僕種竹影落洞庭浮一漚  
長官好事攝亭長使我停望心悠悠我聞亭義訓停集  
行旅宿曾民胥投又聞訓均復訓直民所安定茲堪求  
以此數者基厚福匪直憑眺耽冥摻早將藍縷洗邦俗



且聽鼓箭酬神休挂帆下泊武昌岸怡亭銘盍探裴州  
章華臺故址

歷歷彤臺湧岸沙江南從此始去豪華望氛宴豆經營  
異翠被皮冠顧盼賒走馬更誰攀細柳呼鸞應自擁繁  
花如何苦愛乾谿道不學祇宮老戀家

以羽扇報錦川贈香

江皋六七月流汗如灌漿百體蒸餛飩酸垢我羅衣裳我  
衣可改爲我裳可告澣攬琴書寢間焦臭不能斷以君  
惠思我百和絡繹文佩同蒼玉委氣候爭蘭芬心香佛  
所持體香史所刺殷勤志拜嘉如迎善人至

漢濱六七月蘊暑無迴風二子字繩蚘在君隣房櫺君  
櫳疏使開君房拓使暢捉塵左右揮穆如不來貺以我  
惠恩君五明排翮毛攜偕白團用颯爽驅煩囂扇譽心  
所敦扇德志不逮殷勤藉報嘉清夏歲仍歲

七月廿三日雲岫中丞集宴憶去年是日飲退

谷制府兩次爲和喜雨詩因疊前韻

此堂此日嚙瓊漿去歲今朝眉映黃顧影不辭摩腹飽  
率場如鳥啄偏忙

雙旌春曉下嚴關湛露蕭斯咫

聖顏江漢不波雲夢又戟門祇在翠微間

陽春白雪曲同工慙愧輶軒說采風半月前頭上弦月  
涼痕那到畫筵中

擬陪秋社噉齋羊行部匆匆早沸揚特地畱賓賓亦主  
片帆遲挂水雲蒼

南浦芙蓉漸改陰西堂蟋蟀響交侵田家月令公家宴  
并人調元稷尚心

天度如環竟一周尚書陪輦爲逢秋謂退谷尚書座中更

有重湖主石亭尚書細話天家人哨由

未煩課雨候蘆灰無復銀濤殷薄雷坐到漏深占射角  
羅衣一碧夜昭回

烟鶴寥寥聽一鳴丹樓冷陟露無聲兩行仙吏休騰笑  
不醉深杯也不情

### 石榴花塔

塔非塔孝婦骨花非花孝婦血婦獲事姑婦不獲事姑  
謂殺雞奉姑謂奉雞殺姑嗚呼婦殺雞兮婦未以嘗雞  
殺姑兮官無與明榴花如火然照我寸心折插地花生  
根落地花成實實亦有時盡根亦有時拔婦恨齎九泉  
萬古不磨滅嗚呼婦姑二命懸一雞官乎官乎封此花  
根泥

漢陽行院故熊次侯先生宅其孫旆舍而建之

事在雍正七年地志失載予以不廢江河萬  
古流句名其堂曰流萬

兩樹黃梅雀啁喧沈沈鈴柝護周垣鄉傳屈宋風流遠  
體壓王盧氣象尊幾輩煎茶淹使轍當年種竹蔭芳園  
賢孫舍宅垂高義可有龍鸞起後昆

重游伯牙臺

在漢陽城南  
一里古無考

卻月城南樹萬栽牙琴何事此淹迴高山流水無消息  
佚女游人自往來三逕穿花重入座百壺勸酒一登臺  
芳洲鸚鵡消沈久誰念漁陽鼓吏才

郎官湖在晴川書院左今塞

郎官不少華筵宴誰把湖名屬此官  
勺水波迴雙棹緩  
關山月上一星寒錦袍去後塗泥辱  
絲筆來時氣象干  
容易東南賓主美正平芳草恨漫漫

黃香墓

在雲夢縣北十里

粹質涵江夏高文啓漢京一堂尊始祖百步表佳城  
婉變垂髫歲殷勤奉枕情遂膺賢守署豈博孝童旌  
次五蒙爰正無雙物望傾舒華驚藻削典學鄙金簾  
地重樞機密心勞建豎宏兒孫欽濟美圖史看分榮  
故事愚民說荒阡遠裔爭生時尚樵梓葬處倍崢嶸  
東觀書教讀南州廟待營最憐太邱長慙德在公卿

次韻繆秋坪襄陽縣解新葺也園

誰徙河陽到沔濱  
清華水木政皆新  
魚徐夾路思前代  
蠶麥乘時報好春  
草長囚扉無滯獄  
花繁公廨有遊人  
圍碁下釣偷閑往  
要使沙鷗識主賓

應官聽鼓縱關心  
長吏同城各善吟

謂研齋觀察  
權守袖東

呼殿

不來詞屑玉  
推蔽何事韻  
樅金忙排案  
牘神明暇  
淺拂  
琴徽意趣深  
多謝梧風接槐雨  
桑麻回首綠陰陰

草草經營已隔年  
晴宜剗土雨疏泉  
藤蘿徑引迴身地  
魚鳥機忘極目天  
略遣吏人評鶴料  
故邀漁子課菱田  
槎頭詩老如相訊  
笑指襄州隱暮烟

煎茶深院昨拖筇手種園芳供蜜蜂似此朝衙通菜圃  
便將野色冠花封名垂看舊衝繁縣望斷靈娥杳靄峯  
行也無心畱也好秋光今在木芙蓉

時秋坪將  
移湘陰

### 斲簞

緣坡倒笛材種訖斲春別產逾蒿艾奇質較莞蒲傑幾  
挺浮青筠半莖剔黃篋膚去汗亦收肌分章乃挾如玉  
片片礪擬帛條條裂裁宜八尺量織學九張設正胸古  
佛相同心老屢結側理縈霏霏方文露齧齧銀勝摹竝  
工玉版解相說單微湊巾邊妙明印凹凸平疑熨貼施  
滑想刮磨徹麤波瑩欲凝花箋研還潔編成信有靈卷



三才  
去了無節價重鰕鬚抽製壓象牙掣傳視欣摩挲倚眠  
謝點鱗勻憑兩面攤剛戒一角折對伴簾影清棄偕扇  
蹤滅厥名簞是珍其用席斯絮韓吟極瀏亮白寄非瑣  
香山有寄蘄  
簞與元九詩鋪將看奕碁楚江遺秋熱

竹樓

何地無修竹斯樓代瓦能蔽風消十稔臥月印雙層氣  
上青雲直名先赤壁騰苦憐桑樹夢宣室召難憑

赤壁

亂霞紅欲斷斜抹女王城一展楊園暗千帆荻渚明谿  
漁閑接侶沙鳥愴忘情不是元豐客誰標赤壁名

臨眺尋常事還憑作賦傳杯盤隨草草鶴羽逝翩翩登  
遠迎高曠堂虛得靜便松屏揮六扇須記玉堂賢二賦  
堂屏  
爲樓山修撰所書而  
託名改守許錫爵

落梅吹玉笛直下琵琶亭風月人長買江山客暫停  
墨碑紫敗蘇戰艦散浮萍又別鳬鷗去秋衫酒易醒

### 蘄州綠毛龜

浮屠曾言龜毛係假設於蟲爲介蟲混處龜且龜卦  
符離象占宿應坎宮列曳尾塗泥甘息息英華竊所以  
憲石臧前民逮愚哲三足詫跂跂六眼訥瞽瞍蘄春近  
九江禹錫戒私褻左右顧各殊俛仰性差別題彼尺二

珍利用勝著襟而何方寸姿夷然意不屑自安具體微  
共笑賦形劣圓成太公錢偃學范增玦埋土數千年青  
碧暈糾結塊如堆一團豈是初生硤我有白石盆并華  
映清潔引手涵濯之萬毛動波縵絲絲擢可數縷縷吹  
肯折將毋綠毛鳳化身鬪奇謫否卽秦玉姜仙魄見胡  
切華潔供養几硯間藻采衆驚絕更擅辟塵能或習禦  
火訣勿令蘄州鬼催去壽不閱

雪堂

不盡我眉雪飄來水部居築堂及休暇繪壁寄幽虛坡  
近躬耕便江遙客釀儲更聞潘柱史玉印兆新除

快哉亭

今在黃州郡齋

滔滔江漢口旁有臨皋亭有亭復枕之高插青霄青大江丈其下帆鳥穿瓏玲武昌好山色暖碧開風屏頓使耳目交豁盡沈與冥窮愁一遷令攀陟隨颺颺取快雖一時要是垂千齡何人議移建乃傍太守廳廳事昌女牆萬態無潛形清音滿山水絲竹皆可聽快境莫留意快理惟圖寧願言乞并剪翦取春沙汀

題友衡黃海紀遊詩卽送其歸里

抗手光明頂一峯翔一龍滄然白雲合遂化澗邊松亦欲度黃海好秋冰霰重誰招戴公隱三十六芙蓉

華容驛

隸武昌縣

雲夢宮何在紛沿漢縣名山川收鄂國風月送邠城稻  
蟹輸場候花鳧傍淖聲坡仙應笑我底向阿瞞爭

歸燕

何苦團秋社忙催燕燕歸行藏滄海共消息白雲非下  
第詩畱牘空閨淚溼衣來春知亦返送爾轉依依

予嘗爲木瘿詩懷芳青聯適賦木瘿文匱爲書  
其後其已言者不復言也

人瘿血日銷木瘿液日耗樹木如樹人病此不材號窮  
巖鬱千章拗怒起皴皴衆陰疑一陽如麴酒發醇如酎

如囊沙闕然逞雄驚泰醜俗眼憎希落匠心樂剖之靈  
文章文房器斯造列格紛羅羅聚珍弄稍稍筆札泊印  
章惟妙亦惟竅二子金匱才負笈辱來造竹几襲琴絲  
松牕頓絳竈疑我木瘦篇體物有遺貌前唱喁後于腹  
笥互傾倒直修五鳳樓各挾三尺鞘吾衰氣苑結事事  
遜諸少見道懼支離秉心戒迴撓譬諸杜武庫甘被吳  
人笑斐然觀所裁石鼎力排弃藏匱賈待沾宿瘤女難  
名枰枕倚孤吟柳肘夢初覺

周謫聯

佳木千重霄磊砢隱巖際深涵日月精鬱感陰陽氣

山骨挺輪礪泉脈養浴滄凡楓柳杉松有痂疥疥癩  
如桑戶附疣如子輿句贅突如杜預懸大如賈逵綴  
初如卵鵝包漸如盎甕曳牛帶鐸郎當狼垂胡跋蹇  
瓠從大頸拖鈴自虎膺繫隆隆背曲僂疊疊拇駢儷  
誰將闊領裁分與長木斲當處則處時引材不材例  
瘍鑿束手窮柞師側目諦攘剔及毫芒批導在炙鑿  
卷曲臃腫呈規矩準繩繼刮膜謝水漚流脂付風戾  
其文含模糊其質勝柔脆玳瑁點乍發鷓鴣斑旋翳  
黯作蟹筐負瑩作蟬翼蛻波牽帶荇長石被髮苔細  
無勞績藻工儼布雲霞勢爲几爲畫屏爲槃爲矢匿

爲榼羅軟看爲牀鋪綵纈更揮匠肆斤是稱文房製  
肖茅匭形模何藤笈體制磨鑄去角圭裝點絕癢癩  
橫亘縱乃承上溢下斯替安排喜妥帖隔別記品第  
橋紐跨中邊符鑰慎啓閉堆案雅相宜妮裝輕不滯  
但選礪礪姿皆中徽繹藝況彼榎枏材扶疎任梁欂

海寧

王步雲

青聯

包匭重如王厥後製蠶槽卞璞珍用藏隋珠積待鬻  
署璽畱秘文排卷聚遺牘何物特堅牢有時散芳郁  
辨種紛纓形釋名異卉族宛然荊州人曰此嶺南木  
生笑甲辰雌怒感雷雨毒始飲不流泉乃結有贅肉



疑齊女負囊詔巴姬累斛腫若背上馱突如鼻端蠱  
直等枝指枝圓肖獨壺獨梁公鍼難瘥薛生徙徙祝  
偃婦過易驚辱將題使辱影駭熊羆蹲斑作鷓鴣簇  
效割鑿手窮致用匠心剗腐豈蟲消磨空詎鳥剝啄  
棱棱墨應矩片片衣裁幅濃芬酷桂椒怪文浮綺縠  
螭首冠其巔蜂房聚其腹收取客卿良攢斤毛穎禿  
璧友造廬居楮生下榻宿陸茶含新芽荀香蘊幽馥  
滑肯亞雕匳精合次素篋便利隨琴箱穩懽伴弓韞  
盤錯敢棄捐枯朽孰傾覆以彼槐柳材托茲雲霞谷  
大者蟠輪囷小者幻拳曲幸登良工門遂入文房目

安排几案牕描摹畫圖軸試偕行笥陳檮散轉慚慙

冬日城東崇府山劉氏園亭同青聯懷芳

意行瀟照冷故府占山家屋老多依樹園成不藉花呼  
茶新水熟翻帙晚風斜小坐排鐙腳條然避俗譁

畫屏張幾曲曲曲引朱闌疊石途偏仄安牀境亦寬苔  
痕雙峽潤荇彩一池寒大有閒魚鳥絃琴待客彈

堂後篋管谷離離翠滿坡拂竿雲不覺培筍土如何廊  
淺禽聲到籬疎鹿跡過祇應來追暑清簟對婆娑

西去藤梢上平臺萬象低一江山色走九野市烟迷挂  
眼真空闊回頭轉懷悽欲招黃鶴隱何處是丹梯

芳草王孫歇山名幸到今鋤荒淹歲月覓路費登臨問  
主藜輝閣懷人桂抱林由來臨頓里東路快聯吟臨頓  
故里

在蘇州  
東城

雪中雅舒送襄陽菜用菜菔韻

稷米漫空打牕洞苦恨寒庖缺菹甕韭葷筍嫩是靈芝  
豈意晚菰擔連送根埋霜霰掘不辭葉淨塵沙到先供  
素肌一片暈黃芽土竈蒸來透泥縫盡即忍切從澹泊孕

肥甘解使餽酸變華縱園鑪抄箸侑百杯應念民間色  
梨凍由來脂鱸異鮮腴不時需遜及時用調劑爭誇羹  
臠宜矯揉休論齋鹽中生脔之美添食單食味在心動

無動雲霄一昨兆屢豐麥隴邨邨候鋤種不餓不饑登  
太平此況年年飮冬仲芟實何妨嗜屈到豬肝要足累  
閔貢以君家與安肅鄰負耒橫經足吟諷還從荆楚記  
歲時蹋雪有人賣薑蕪

吾鄉油菜於二月始發  
蕪楚則冬日已可嚮食

### 雪後見鳳仙花

薰風披胞朵雅稱女兒花昨灑重重雪還堆片片霞不  
彫聽氣數獨冷見繁華誰喚王摩詰蕉陰點一丫

復雪集餘庵廉泉介右堂以點蒼石屏材如米

### 家潑墨者見遺賦報

耿耿泉右堂階鮮綠無縫一雪灑連朝泉凍石亦凍主

人抱冬心几石寄清供白質間墨章羅羅隱絨綜云從  
點蒼來包裹費馱轆妒者思一斫達者等一夢二說皆  
未然一笑愈情重勅僮排巾箱米蹟親檢送布指長尺  
餘其廣勢較縱淡爲晴練晃濃爲溼烟霧重爲鼠尾拖  
輕爲蟹爪控下爲黃栗蒸上爲碧螺動明明一角浮浩  
浩中央空是顛是虎兒鑒古聚庭訟又疑嵐翠邊富春  
手裁衷著色妙天然焉問元與宋主人劇撫掌是物出  
斤礪古雪三千秋坐閱閣羅鳳若若十九峯仙真恣騰  
狔一龍環首尾孕靈作髓漣如玉潤木梢如珀伏松棟  
如金發巖礦如硯采冰洞層層如削梯百轉入深甕擎

出芙蓉根直翠劇含痛匠心極微睇拂拭允去巾幘當  
其磨治時凹凸巧億中禽魚若卉木畫院罕伯仲換值  
百車渠彼哉已愚惹平生山水緣叱馭破惶恐無分祠  
碧雞採效玉堂貢滇雲隔楚雲好事購目俸得畫旣免  
俗得石亦可頌得畫在石間交義庶循諷吾非奪與偷  
拜捧誠輿從品壓九華神體敵四家衆下堂衝雪歸幅  
底結寒松

董小池北上圖

枯茅三四椽病柳六七株一雙冗長僕一兩薄笨車車  
前何用挽一羸驂以驢車中何所載一琴酌以壺賃車

自故鄉上車成歧途春遊且勅還況乃酸風呼茸裘復  
破帽問年四十餘問程三千里直北趨

皇都都城

盛冠蓋八駟填路隅太平藉潤色鬱鬱何爲乎我有畫  
蘭手朵朵香華附我有刻篆工掩三橋雪漁待博升與  
斗豈戀尊與鱸不敢歌慷慨不甘終泥塗憶昔投牒時  
軒冕輕一銖哦松涪水邊一擲歸故廬東歸將北上其  
友爲之圖圖成改寒暑而乃襄鄒居依人事本難處已  
理必乎勿聽昌黎言區區尋狗屠

歲暮編入楚後詩示校刻諸生

短檠殘雪映天藜

署中閣名

遣排詩莫祭詩助到江山非

爾力賞兼松石亦吾師觀風漫向鍾譚采感事曾傾沈  
范知江夏舊傳文選學浪教書院板紛披



白華前稿卷第六十

南滙 吳省欽 沖之

詩餘

予弱冠前好爲倚聲之學所作頗夥輟業後無一  
存者戊寅秋與錢擇石吳杉亭梁山舟諸前輩同  
賦都下蔬果詞九章亦隨散佚頃勘理詩文得敗  
簾中數紙錄成小帙非以自附詞人聊具一體云  
爾

調笑令

楊柳楊柳管甚灞橋分手黃鸝罵斷枝枝道是春光絮

飛飛絮飛絮分付雨絲黏住

臺城路

山塘  
舟中

白公隄畔春如海吳孃畫船挨過鬢影雲交粉香風遞  
第一盈盈花面芳心婉變況桃葉桃根隔舟相見欲卻  
還前帶人無語掩歌扇橫波搖共燭影想故人天末  
淚痕紅濺綺席傳觴翠羅投帕偏是馬卿遊勸囊琴匣  
硯笑繡被堆來更誰同薦情話叢殘綠楊風絮轉

醉太平

吳江楓  
冷圖

秋蘭罷纔秋蓮罷妝停車坐對花光是青楓受霜楓  
山影蒼楓亭路長楚天驛館楓香讓吳江暮涼

高陽臺

題張蕉衫平山堂唱和詩後

裘屨間歇管弦亂沸繁華曾夢揚州白髮門生一樽要  
酹千秋長隄不恨紅心草恨綠楊歸盡風流賸山堂月  
影如鉤江影如漚夜闌提起銷魂話話三千殿腳廿  
四橋頭多少懽場舊愁人惹新愁故宮甃井泉香否待  
鑿開潤與歌喉試同君鐵笛聲聲喚舞蒼虬

十六字令

聽雲母屏前轉乳鶯扶頭問雛女話閒情

卜算子

秋雨忒多情灑下芭蕉去惹得羈人聽不堪續斷孤蛩

語 秋月忒多情飛上梧桐樹惹得羈人望不堪寂寞  
驚鴻舞

摸魚子

滬城過趙璞函不直

白蓮涇趁潮斜翦短蓬低挂帆布相思相訪遲相見輪  
與鷺羣鷗侶雲影暮聽嫋嫋秋風不暖垂楊樹荒邨古  
戍記竝轡尋春聯基敲月零落似萍絮 盈樽酒何必  
旗亭客路腰支險瘳幾許紫萸黃菊登高會烏帽訪君  
何處君莫訴問滾滾江流流否離愁去蘆汀荻渚祇漁  
板惺忪權歌欸乃蓬底暝烟雨

憶蘿月

鑪薰被暖好夢和春短夢又不來人又遠月上梨花小院  
更更更漏沈沈無眠低枕朱琴纔是膏肓倚睡牕  
前蚤喚山禽

南浦

春水次  
玉田韻

新漲淙淙盈盈半隱閑彷彿湘流清曉鳴綠趁鶯黃陰陰  
影消受柳眉勻掃天光不定縠紋剛縐東風小南浦銷  
魂人去也愁煞滿隄芳草憐渠纔送輕漸泛春三二  
月殘紅不了疎雨又絲絲烟波裏勾管畫船撐到天涯  
渺渺錦帆消息而今悄重檢曹衣痕百褶勾蘸碧羅多

少

月華清

蓮頭

蚤結心同更看頭聚往來魚戲南北紅玉擎雙三十六  
陂秋色怎兩般笑靨初圓似一樣舞腰無力相識探東  
西施住葦蘿消息 管領風清月白鬪出水曹衣十分  
雕飾不是鴛鴦不許棲將比翼怕移來短艇吳娘爲拗  
供水沈彌勒香國算郎情妾貌似渠纔得

摸魚子

江州寄題張氏飛鴻堂

買芳園竹蒼梧碧宜陰宜霽宜雨蕩夫指點繩橋外擎  
出滿花無數人試度一片片沙禽驚起飛還住悠悠慢  
鴈愛穩稱裝書便宜把釣未算計遲暮 嘉慶底有幾

疏畦藥圃風流遜與張緒敲棋賭酒尋常事消遣膽孌  
歌舞琴又撫望冥冥孤鴻秋影遙天去江州客路念寂  
歷琵琶叢殘蘆竹錯了六州鑄

浪淘沙

春色滌江樓春恨眉頭一層烟樹萬層愁樓外行人樓  
裏客試聽鉤輈心字冷香篝分付江流江流無力載  
蘭舟翦翦東風吹過了萋萋休休

桂枝香

烟水亭  
次韻

風斜日暮倚亞字闌干亂山無數隔岸人烟織斷蛤田  
菱浦權郎盡卽忍有沙棠棧奈寒鴉一羣飛渡閒身無

恙閑心自在不如沙鷺念白傳陶公自古怎三徑平  
蕪三絃淒楚漫賦歸來多少美人黃土好春花柳佳秋  
月恨吟蛩啼鵲交訴垂楊依舊那堪漢殿那時張緒

疎影

梅花硯爲楊同年華賦

紅絲細纏見橫枝散朵春逗風片吹動池凹鱗墨羅羅  
影娥也照清淺柔腸祇替香奩詠愛幾顆珠盤圓轉蚤  
費他盥手薔薇攜配謝庭詩卷遙憶東牀坦腹侍兒  
更捧取揮灑褰練梅豈無媒冰玉交光不藉聘錢多拚  
高家縱有長牋在怎似爾綠蛾餐遍笑掃眉無暇消寒  
但索畫師礬絹



浪淘沙

柳

古岸咽平潮無限蕭騷去年此地繫輕船  
睨晚黃鸝何處也祇賸紅橋搖落且江皋  
舞斷宮腰春來莫又一條條短短長長亭  
外路替我魂銷

臺城路

施耦堂豆初開話圖

水邨不斷濃雲朵陰陰幾層高柳碧瀉鬱  
流綠沈叉路種得半畦山豆孤棚結糾漸  
扶起春苗暗遮圓牖翦翦疎風泥他鰲腳  
坐移酉閑情閑到未了想雕龍說虎別  
遍談藪團酒湖橋品茶市慢無此井鄰  
谿耦搖脣拍手惹絳架青蟲半黏襟袖  
淺淡花邊一痕涼雨逗

又紅衣釣  
吳興

湖雲十里濃於靄幾時荻苗迴漲響靜跳魚影翻浴鷺  
買個釣船閒放綸竿最漾問點點蜻蜓可曾飛傍冷笑  
谿翁淡紅衫子也官樣烟波回首大好和霜楓一抹  
碎簇層浪青笠敲餘綠蓑挂處休道賜緋無恙臨風獨  
賞記草屨撈鰕富春江上我緝蓑裳采香三白蕩

玲瓏玉

榕巢太守接葉  
亭丁香花下

丁子梢梢小名喚雅配辛夷南人見少怪他團雪枝枝  
幾樹凹深凸淺把芳寮如綺籠徧晴絲相宜敲紅牙傾  
倒翠卮不分羞簪老鬢有頽然翁醉橫潑喻麋翫幅

銀光映階前一様差差今年歡場依舊怕亭長新巢定了也負花期更添畫曲闌邊唸影竝移

搗練子

閨怨

人寂寂夜悠悠如鴈聲來報蚤秋旅館漏長聽不寐斷行莫又過敗樓

燕山亭

法源寺看海棠分賦

風信低催香火舊盟試闕春如海四照淺深西錦絲絲紅到打鐘廊外短鬢逃禪問底事惱人無奈相對是曼

陀華雨選場勻灑

還憶來去因緣認小篆牙牌玉纖

停采

寺僧繫牌花底說因問詩客過縛律僧陪那許一果經以戒遊者輕折

杯重醺歸臥屏山待分付折枝圖畫難再趁明蚤浴蘭  
重會

玲瓏玉

重集格巢太  
守丁香花下

交過蘭晨被花惱懶趁花叢團頭座滿眼明晴雪玲瓏  
一畝是瓊花別種是燕姬釵玉橫軀瑤空打東搖番番當  
葉細風 第一銀牆短亞怕酥搓粉捏遊誤園蜂鼻觀  
雙清忽蒸來油菜香濛深深琉璃杯影蠟黃酒澆他不  
語結了重重有前度壁牋人回首未同

掃花游

格巢觀察於成都葺升庵  
櫻桃盛花同人集飲分賦

江梅怨笛又換了花風散花深處朱櫻萼吐算三桃信

